

(Pin Tchu) Shing³ kao³
iou³ li₃ sun² tsap₄

Préliminaire condensé
de la Doctrine chrétienne.

1811



MAISON MÈRE DES SŒURS
MISSIONNAIRES DE L'IMMACULÉE-CONCEPTION
2900, CHEMIN SAINTE-CATHERINE
COTE-DES-NEIGES MONTREAL, P. Q., CANADA

UNION MERE DES SOEURS
SACRAMENTALES DE L'IMMACULEE-CONCEPTION

2000, CHEMIN SAINTE-CATHERINE
COTE-DES-NEIGES MONTREAL, P. Q., CANADA

聖教要理選集

降生壹千八百壹十一年重刊

總牧光方濟各准

聖教要理選集目錄

○要理六端 見一

△聖號經 見三

△天主經 見五

△聖母經 見八

△信經 見九

○天主十誠

見十三
詳見十誠直詮

○聖教四規

見十六

△向天主三德

見十八

△聖事七蹟

見十八

○領洗問答

見二十

領洗經

見二十三

領洗禮節十四端

見二十三

求領洗者宜脩六件

見二十六

堅振禮節五條

見二十七

△天主教解

見二十八

○告解問答

見三十

詳見滌罪正規

○聖體問答

見三十一

詳見聖體要理

領聖體前省三罪

見三十三

彌撒問答

見三十四

詳見彌撒祭義

○罪宗七端

見三十五

詳見七克

△克罪七德

見三十六

詳見七克

悖反聖神六罪

見三十八

籲天主降罰之罪四端

見三十八

聖神十二效驗

見三十九

樞德四端

見三十九

形哀矜七端

見四十

神哀矜七端

見四十二

真福八端

見四十三

聖神七恩

見四十四

萬民四終

見四十六

詳見四終畧意

靈魂三司

見四十七

肉身五官

見四十七

榮身四恩

見四十七

榮魂三恩

見四十八

聖燭用義十有二益

見四十八

聖水十二效

見四十八

聖匱效驗

見四十九

赦小罪九款

見四十九

萬日畧勸諭三端

見四十九

天學警言

見五十

分罪輕重說

見五十

詳見十誠直詮

司鐸典要

上等痛悔經

見五十一

默想規程

見五十一

默想指掌

詳見易簡禱藝

默想恩赦

見五十七

默想神功

聖教要理選集

要理六端

第一該明。未有天地之先。有一大主宰。從無而造天地萬物。又常保護所造之物。

第二該明。天主賞善罰惡。審判生死者。

第三該明。一個天主有三位。曰聖父。曰聖子。曰聖神。

三位共是一性一體。一個天主。無大小先後之別。

第四該明。第二位聖子降生爲人。名稱耶穌基利斯

督。

解說救世的主

爲補贖萬民之罪。自甘受苦難。被釘十

字架死。第三日復活。第四十日升天。

第五該明。人靈魂有始無終。常在不死不滅。進教者

守天主十誠。肉身死後。靈魂升天堂。享無窮之福。

不進教者。或進教而不守天主十誠。下地獄受無窮之苦。

第六該明。天下設教者最多。惟天主一教。至公至正。能使人得天上之永福。免地獄之永苦。所以天下萬民。皆當奉事真主。以救己靈魂。

若恃自己力量。必不能爲善立功。不能上升。必

聖教要理
致下墜所以凡人必須天主寵祐又須自己勉
行。

聖教經言六種

一 聖號經。

二 天主經。

三 聖母經。

四 信經。

五 天主十誡。

六 聖教四規。

聖號經

此經係奉教人之記號。明顯教中人相同一信。與外教人分別。

以十字聖架號

以用也。爲也。十字聖架。是吾主代我們受難之器。故以爲號。畫此小十字於額。求天主祐我善思善。想不動惡念也。

天主我等主。

天主者。是造天地神人萬物之大主宰也。我等者。係我們世人也。言非一人之主。乃普世人之主。

畫此小十字於口。呼求
天主救我。莫出惡言也。

救我等於我讐。

救是求天主救也。我讐有三。一曰魔鬼。一曰肉身。一曰世俗。畫此小十字於胸前。求天主救我不陷於三讐之暗害身之所行。皆爲心之所主也。

因罷德肋

因。由也。罷德

肋。譯曰父。

及費畧。

及次第也。費畧。譯日子。

及斯彼利多。三多。

斯彼利多。三多。譯日聖神。

名者。

包含權能威。信真。籲六義。

亞孟。

譯言真

實也。

不拘何時何事。畫十字。皆有大益於身神。先畫三小十字。表天主三位。後畫一大十字包之。表天主一體。天主雖一。包含三位。畧比如日頭。有日輪。有日光。有日暖。雖有三。只是一也。曰聖父。因生聖子。但所生。非如世人。畧比如人生自己之像。於鏡內。但人劣弱無能。故所照之像。乃虛像耳。惟天主全能。聖父明照自己之性。就生活像。此像者。聖子是也。聖父與聖子相愛。就發活愛。此愛者。聖

神是也。奉教者堅信之。

天主經

此經係吾主耶穌親口諭徒。命傳天下。教人當如是。日日所求。內包七求。前三求。係爲恭敬天主後四求。係爲望身神之事。

在天我等父者

此句係一端經之提綱。

天主無所不在。但天堂是天主顯榮光之所。故曰在天。世人專向求天主。卽以父之名稱之。以顯其

極愛我等。則曰。在天的
天主。爲我們大父母。

我等願爾名見聖。

願字通
貫三求。

我等指世人。願者力不能而心欲之。爾者相親愛
之稱。名是天主之名。見聖顯尊榮也。令欲求天主
顯其聖名於天下。令世人皆知其性之妙。敬畏愛
慕而欽崇之。故曰。我們願天下萬民稱揚天主之
名。以爲聖。此句
經。係第一求也。

爾國臨格。

爾字指天主。國有二。一曰天堂。一曰聖寵。臨照臨也。格。至也。欲求天主。賜我們今世聖寵。死後天堂。則曰。我等願求天主。大發慈憫。照臨下土。格正人心。人人悔改。精進讚美。上主。求至爾之天國。此句經。係第二求也。

爾旨承行於地。如於天焉。

爾旨。係天主聖旨。卽十誡是也。承。是承受遵守也。行。是勉力實踐也。地。指地上世人也。天。指天上天神聖人也。欲求天主。令萬民全守厥命。則曰。我等願天主聖旨。世人奉行於地上。如天神聖人奉行

於天上一般。此句
經。係第三求也。

我等望爾。今日與我。我日用糧。

望字貫至
第七求。

我等者。兼爲衆也。望爾者。是仰望天主允所求也。
今日。卽現日也。與我。是常常肯與我也。日用者。人
生一日。必需用也。糧有二。一曰靈魂之糧。就是善
德。聖寵。聖事等類。一曰肉身之糧。就是衣食等物。
今欲求天主。賞我們身神之糧。則曰。我等仰望
天主。現日賜我常用之糧。此句經。係第四求也。
而免我債。如我亦免負我債者。

免除去也。債是罪。比如借人財而未還也。負我債者。是得罪我之人也。凡求望天主赦已罪。必先要自己赦他人之罪。今欲求天主赦免我已犯之罪。則曰。我等求望天主赦免我罪。猶如我赦宥得罪我之人一般。此句經。係第五求也。

又不我許陷於誘惑。

又。再也不我許。不許我自陷也。陷。墮也。誘。從外來。感。從內發。非已之能力。可當誘惑。今欲求天主賜我不受三仇之害。則曰。我等求望天主。再不許我陷於三讐之誘惑。此句經。係第六求也。

乃救我於凶惡。

乃承上文之言也。凶惡是靈魂肉身各樣之災難也。因謀害我之凶惡難防，故時刻求主救也。今欲求天主，救我於身神之災難，則曰：我等求望天主，救我於靈魂肉身之凶惡。此句經係第七求也。

亞孟

乃徵祈求真心之言。口誦而心想懇切，若是必有得也。

聖母經

此經包含道理三段。亞物三句，是天神朝拜聖母敬頌之詞。女中兩句，是聖婦意撒伯爾接見聖母稱頌之詞。天主聖母以下，是聖教續成。祈求聖母轉求天主之詞。

亞物瑪利亞

亞物譯言禮拜慶賀之言。瑪利亞譯言海星，乃聖母之名號也。引人渡險海。望星爲趨向方臻福岸也。

滿被額辣濟亞者。

聖教要義
滿者。充盈也。被。全受也。額辣濟亞。譯言聖寵也。欲讚聖母。諸德全備。遠超神聖。無染原罪。滿被寵光。則曰。充滿天主聖寵者。

主與爾偕焉

主。指天主。爾。指聖母。偕同在也。欲讚聖母之德。全合主心。故常得天主寵祐保護。默啟照引諸恩。則曰。天主與聖母相偕常在心中焉。此以上三句。係天神之詞。

女中爾為讚美爾胎子耶穌。並為讚美。

聖母。爲古今特出一人。天下童貞之首。生平巨德。洪功。美善純全。有童貞之德。兼懷聖子之福。又所生之子。不但是人。并是降生之天主。因此欲讚聖母。遠超羣聖。則曰。衆女之間。獨聖母可讚美。因胎內所懷之子。乃係救世者。故愈可讚美。此端係聖婦之詞。讚美聖母也。

天主聖母瑪利亞。爲我等罪人。今祈天主。及我等死

侯 亞孟。

聖教中人。求聖母主保。轉祈天主。賜我們善生善死。則曰。天主聖母瑪利亞。爲我等衆罪人。現時求

天主教及我等死之時候。危險之際。賴聖母保救。轉
祈天主也。此端教中聖人續成之詞。要人誦之。大
有神益。

信經

天主耶穌昇天之後。其聖徒十二人。傳教於天
下。先定此聖經十二端。教人真信。無所可疑也。

我信全能者。天主罷德肋。化成天地。

我自謂也。信目所未見。託賴有證。心明其理不疑
也。全能者。無所不能也。天主罷德肋。卽聖父也。化

成天地。言天主聖父全能。
造成天地神人萬物也。

我信其惟一費畧耶穌基利斯督我等主。

其字。指天主聖父也。惟獨也。費畧。譯曰聖子耶穌。
譯曰救世。基利斯督。譯言受聖油名號也。我等主
者。萬王之王也。言我信天主聖父所生獨一
子。降生爲人。名曰救世者。實爲我們真主。

我信其因斯彼利多三多降孕。生於瑪利亞之童身。

其字。指天主聖子也。因由也。斯彼利多三多。譯曰
聖神降孕者。聖子由聖神之工化。而降孕於聖母

之胎也。生者產也。瑪利亞之童身。謂不損其母童貞也。言我信第二位聖子。由聖神之工。降孕於聖母胎內。結合與人之性。以時誕生。產前產時產後。恒係童貞也。

我信其受難於般雀比辣多。居官時被釘十字架而死。而乃瘞。

其受難是吾主耶穌用人性。爲救贖萬民之罪。甘心受難。於在也。般雀比辣多。係當此時做官者。其因怕惡黨之仇。斷定吾主釘十字架極刑而死。死後其門徒解其聖屍。敬殮而葬於墳墓瘞也。吾

主論其爲人受難。論其爲天主加功。是以救贖之功全矣。

我信其降地獄。第三日自死者中復活。

降。自上而下也。地獄。係古聖靈所居之候所。名靈薄也。第三日。是死後第三日也。自死者中復活。是從死人之中而再生。言我信吾主死後。下右聖所。安慰而親救之。至第三日。吾主靈魂。仍舊與肉身結合。從死人之間。出而復生於世。

我信其昇天。坐於全能者。天主罷德肋之右。

我信吾主耶穌復活後。至第四十日。自舉升天。坐於天主父右尊之位。與聖父同體尊榮。無分於上下。猶言其位其權穩定。永不能移也。

我信其日後從彼而來審判生死者。

日後。是世界窮盡之日。從彼。是從天。審判有二。一曰私審判。就是各人死時。天主定其靈魂。受善惡之報應。一曰公審判。就是世界窮盡之日。天主定其身神同受善惡之賞罰。則曰。我信世界窮盡之日。吾主耶穌從天下來。十字聖架。現於空中。赫赫威嚴。而大公審判萬民。一切善者在右。受賞榮升。

一切惡者在

左受罰下獄。

我信斯彼利多三多。

我信聖神。是天主三位中第三位。蓋聖神寓於人之靈魂。以爲善師。啟迪人心。若犯大罪。卽失之矣。可不懼哉。

我信有聖而公。厄格勒西亞。諸聖相通功。

厄格勒西亞。譯言天主教會。我信有聖而公教會之人。皆得諸聖之功。而相通聖教皇者。居伯多祿

之位。而爲宗牧。主教者。居宗徒之位。而爲大牧。主
祭者。居弟子之位。而爲小牧。奉教者。居新民之位
而爲耶穌之羊也。在上天堂者。得勝而樂。在中世
界者。交攻而懼。在下煉獄者。辛苦而忍。三所之衆
相助相通。故經
曰。諸聖相通功。

我信罪之赦。

罪有二。一曰原罪。一曰本罪。赦罪之禮有二。一曰
領洗。一曰告解。故曰我信聖教會。有赦罪之權。

我信肉身之復活。

我信世界窮盡之日。天主命萬民之靈魂。與在世之肉身復結合。而再生聽判。

我信常生。亞孟。

我信天下萬民復活後。永遠常生不死。

天主十誠

迦乾開坤闢。古教時。天主將十誠銘刻於人性內。至二千餘載。天主憫世。洪施大訓。左板三。右板七。主乃親指錐勒十誠。考史中國商王祖乙之時。主呼古聖梅瑟。命傳示天下。教訓世人。守者賞升天。

聖教要理
堂。逆者罰下地獄。此上三誠。係
欽敬天主。下七誠。係愛人如己。

一。欽崇一天主。萬有之上。

此誠有所命。亦有所禁。所命。係以忠心。欽敬信望。愛天主。在於萬物之上。所禁。係懷疑絕望。及輕慢天主。又禁拜邪神。仙佛等菩薩。或信從邪道。燒紙錢元寶。求籤灼龜。問鬼打卦。起課算命。相吉凶。看風水。點時擇日等。各項邪術。

二。呼天主聖名。以發虛誓。

此誠命人以口讚揚天主。敬愛天主。及勤行所許愿。天主之善事。所禁。係妄呼天主之聖名。以發虛假之誓。

三、守瞻禮之日。

此誠命人以身禮拜奉事天主。主日罷工。照管修理靈魂要緊之事。所禁。係懶惰於行聖事。不守瞻禮齋期。及主日做行百工。惟有窮乏者。併有大故者。此日行百工。亦可無罪。但讀書寫字。空走。行哀矜。皆不妨於主日。

四。孝敬父母。

此誠所命。係順君親師之正命。孝敬父母。養育家人。以正道勸父母。以善教訓家人。令其明白要理。遵守規誡。儆責家人過失。不縱其存留罪根。及代教中先亡父母。建立聖功。所禁。係忤逆父母。罵怨輕慢尊長。失教兒女。及虐待家人。

五。毋殺人。

此誠所命。係毋傷害人之身命。保養己身。及救人不受身神之害。所禁。係害己害人。怒罵嫉妬。仇恨。

人及願人
遭禍等情。

六母行邪淫。

此誠所命。係母污人之名節。及除色引。夫婦者各守本分。不得無故相逆。所禁約有數件。一曰單淫。二曰通室。三曰私同族人。四曰失信邪淫。五曰拂性邪色。或強婢娶妾。及耳目手體妄作邪淫等類。

七母偷盜。

此誠所命。係母損人之財物。苟非吾之所有。雖一毫而不妄取。所禁係明取暗取。瞞騙偷盜。搶奪損。

聖孝要義
三
壞人物，凡屬非
義之財等類。

八、毋妄證。

此誠所命，係真言實語。毋容口過得罪於人。所禁
係說謊妄證。顛倒是非。及揚人隱惡，謗人長短。誣
告虛
告等。

九、毋願他人妻。

此誠禁人心中樂
想願作邪淫之事。

十。毋貪他人財物

此誠禁人心中謀
算貧圖人之財物。

右十誠總歸二者。愛天主萬有之上。及愛人如己。

上愛天主者。盡其心思神力。以敬畏愛慕天主。
在於世人世物之上也。愛人如己者。蓋凡需我
之人。不論親疎賢否。皆當

密邇視之。而振救之也。

右十誠諸條。凡幫助引誘使令阿順者。與
親犯者相通罪。又冒犯之險。與直犯同。

聖教四規

聖教欲人竭心專務。遵守十誠。故立定此四規。令奉教者。不論貴賤。俱要遵守。無故而犯。必獲罪也。

一。凡主日。及諸瞻禮之日。與全彌撒。

此規令教友於主日。及有圈瞻禮。皆要罷工。親身到堂。看祭天主。係爲有益於靈魂之事。不可思想別務。致失恭敬。若有病者。居遠者。看家守店。無人可託者。或有大故者。此日不聽彌撒。方可無罪。

二。遵守聖教所定齋期。

此規命人照依禮單所定齋日。要嚴遵守。外則食素。而心內則要潔淨。方爲全也。小齋。只禁食禽獸肉而已。若有病者。不滿七歲者。甚乏。日用糧者。免守大小齋。大齋。固禁食禽獸之肉。然一日之間。只食兩餐。午時一餐。海味不禁。惟晚間清齋。點心少許而已。不到二十一歲者。滿六十歲者。步行遠者。勞苦百工者。乳母孕婦。皆免守大齋。而小齋不免。茶酒水。不妨於大小齋。

三、解罪至少每年一次。

此規命教友。於領洗之後。不幸復有所犯。必要行告解。求主赦罪。方得天主之聖寵。至少每年一次。

及臨終之時。或遇危險之際。如交戰。過海等類。必當先求告解。然解罪之工有五。一省察。二痛悔。三定改。四實告。五補贖。缺一不可也。

四、領聖體至少每年一次。

此規命教友。小心預備潔淨靈魂。解滌罪垢。虔恭領聖體。盡心誠敬。至少每年一次。或遇危險。或爲謝恩。或爲祈禱。或爲奉獻。或爲大事決疑。或苦難非常。無措皆當求領。以爲感格之藉。蓋領聖體。加聖寵於人。養人靈魂。而增神力。克已謙遜。忍耐世苦。易得守誠立功。

向天主三德

此三德非本性之德乃是超性之德。令人正向天主。爲萬物之終向。

一。信德。

令人信認天主所垂之道。無毫疑惑。

二。望德。

令人堅望天主所許之永福。及有益於靈魂之事。

三。愛德。

令人愛天主於萬有之上。及愛天主所愛之物。

聖事七蹟

聖事之蹟者。乃吾主耶穌所定有形之外。記。以表無形之聖寵。而賦於人靈魂內也。

一。聖洗。

聖洗者。乃吾主耶穌所立之禮。以洗靈魂污穢。全免。應受原本二罪之罰。使人靈魂。始得超性之生。

一 堅振

堅振乃吾主耶穌所立之禮。以增人聖寵。堅人信德。固人神力也。

三 聖體

乃吾主耶穌所定之禮。以藏己身。已血於餅酒形像之內。併使其餅酒之體。悉無。而以己身代餅。已血代

酒也。

四。告解

乃吾主耶穌所定之禮以赦人領洗後所犯之罪復賦聖寵使已失超性生命之靈魂再活而免應受之永罰也。

五。終傳。

乃吾主耶穌所立之禮以堅固病重者身神之軟弱赦其罪使之忍受今世暫苦易退魔誘切望眞福。

六神品。

乃吾主耶穌所立之禮。以立人於他人之上。賜之成聖體。祭天主。赦人罪之權。

七婚配。

乃吾主耶穌所立之禮。以賦聖寵。助人夫婦之親愛。賜之善育兒女。引之直走天堂之路。成此蹟者。係男女自願一生相配。宜先告解痛悔。然後行婚配之禮。則得天主之聖寵。不然。反獲罪也。

將領聖洗問答

問

天主是甚麼。

答

天主是造天地神人萬物而常保

護全能全知全善無始無終無形無像無所不在至

慈至義無善不賞無惡不罰者。

問

天主有幾個。

答

天

主只有一個。

問

一個天主有幾位。

答

有三位。

問

天主

三位稱甚麼名。

答

第一位聖父第二位聖子第三位

聖神。

問

三位中有大小先後麼。

答

無大無小無先無

後共是一體一性。一個天主。問三位中那一位降生

爲人。答第二位聖子降生。問降生怎麼樣。答是聖子

因聖神之工而降孕生於瑪利亞之童身。名稱耶穌
基利斯督。是真天主亦是真人。問降生爲甚麼緣故

答爲救贖我們罪人。問怎麼樣救贖。答自甘受苦難

被釘十字架死。第三日復活。四十日升天。日後而來

公審判萬民問 我們人有靈魂麼答 有靈魂問 靈魂

死不死答 不死不滅常常在問 人之肉身死後靈魂

往那裏去答 進教者守天主十誡升天堂享無窮之

福不進教者或進教而不守天主十誡下地獄受無

窮之苦問 你進教爲甚麼緣故答 爲奉敬天主爲救

自己靈魂問 各樣異端邪教虛妄邪術都棄絕麼答

都棄絕了。問你恨自己所犯之罪麼。答恨。問你定改

寧死再不敢犯天主的命麼。答決意定改。問你信天

主的道理麼。答信。問你望天主赦爾原本二罪賞爾

天堂永福麼。答望。問你愛天主萬物之上麼。答愛。問

你願進教領洗麼。答願。

若有病重者情願領洗。教友先將問答一一教之。令其明白堅信痛悔及定改。然後權洗之。

如是將死者。看其死候遲速。要教之多寡。至少該講使其堅信。惟一天主造萬物。以永福賞善。以永苦罰惡。又天主雖一。包含三位。卽是聖父。聖子。聖神。其聖子。爲救贖萬民。降生爲人。受難受死。第三日復活。四日升天。又令其痛悔。一生罪過。然後權洗之。

或有未開明悟之孩童。染重病者。不必教他道理。亦不必問其父母信否。就權洗可也。

凡人能得傳洗。而不與之傳洗者。有大罪。傳洗者。先該立意。願行天主所立之禮。然後用清水洗。願受洗者之額。而出聲念天主所定之經。手洗口念。俱要齊。不得先後。不得增減一字。若有以洗不

合規斷要再洗。則曰若
未領洗。我洗爾云云。

呼某聖名。

男或保祿。
女或亞納。

領洗經文

我洗爾。因父。及子。及聖神之名者。
亞孟。

領洗禮節十四端

教宗所立。鐸

德方能行之。

一。立代父。

令其終身教訓之。以
引導其爲善之路。

二。站堂前。

待鐸德祈主逐魔。方敢入堂。又
以表日後能入天國之門也。

三。定聖名。

爲其主保而
終身效法之。

四、噓氣祛魔。

鐸德求主祛魔。潔其
心爲聖神所居也。

五、印聖號。

是爲天主之人。邪魔
不敢近前侵害之。

六、覆頂額。

鐸德求主醫其神病。賜以神光。
能分別善惡。識行天堂之路。

七。領聖鹽。

鐸德求主。賜以道
德之味。恒久不厭。

八。點耳鼻兩司。

鐸德求主。開其內外
耳鼻。喜聞道德之香。

九。捧鐸德聖帶入堂。

表示其自難行天堂
之路。必須鐸德教訓。

十。付聖油。

鐸德求主。醫其靈病。絕其私欲。令其堅持不變。

十一。付聖水。

賜以聖寵。全赦原本二罪。

十二。再付聖油。

表示領洗者。無毫功勞。幸蒙天主之恩愛。選其進教。而爲天主之義子。

十三、蓋明衣。

表示其靈魂清潔無罪之污。

十四、持聖燭。

表示其信望愛三德之光明熱切也。未領洗者若家外之人。已領洗者若家內之人也。

求領洗者宜備六件

一本意

是甘心情願。
非勉強也。

二善志

專爲恭敬天主。救自
己靈魂。非有別貪也。

三學熟

是求明白聖教
要理。學熟經文。

四、習善。

是辭斷各項異端言行，習聖教之功業。

五、信望愛三德。

真信渴望熱愛之情也。

六、悔改。

是切恨自己之罪。

領堅振禮節五條

一立代父。

引領者增益謙德。甘心聽從他人之善教。

二以兩手覆頂額。

以表聖神降臨於其心中。寵愛蔭庇而保護之。

三用聖油與巴爾撒末。

聖油。表聖神充滿潤澤領者之靈魂。巴爾撒末。表永發真善之香。

四以聖油畫十字

表示領者。應當竭力顯揚聖教。不敢含羞隱瞞。

五以手拍臉。

表示領者。決意寧受萬苦萬辱。而甘心忍受。不敢背主也。未領堅振者。如小童無力。已領堅振者。如大人強壯。足以有爲也。

天主義解

問

天主二字何解。

答

是造天地神人萬物大主宰。

問

天主性情如何。

答

是純神。無始無終。無形無像。全能

全知全善。無所不在。全誠之性。

問

天主有幾個。

答

天

主只有一個。

問

一個天主。包涵有幾位。

答

包涵有三

位。第一位聖父。第二位聖子。第三位聖神。

問

聖神何

解。答

就是聖父聖子。兩位互相親愛。共發之愛。稱曰

聖神。問

三位。那一位大。那一位先。

答

三位無大無小

無先無後。共是一體一性。一個天主。問

那一位降生

答

第二位聖子降生。問

降生何解。

答

是至尊天主。結

合於至卑人性而生。問

天主降生有何名號。

答

名曰

耶穌基利斯督。解曰救世者。問

耶穌之性。

答

耶穌有

天主性兼有人性。兩性一位。論天主之性。有父罷德

肋。論人之性。有母瑪利亞。問怎麼樣救法。答自甘受

苦難。被釘十字架死。以贖萬民之罪。但苦難不過於

人性。不能傷天主萬福之性。問主能竟赦人罪。何必

受難。答竟赦不顯公義。受難仁義兩全。問萬民有何

罪。答有原本二罪。原罪。是原祖所犯。傳於子孫之罪。

本罪是自作之罪。問一人之罪何至染子孫。答譬樹

根有毒。延及於枝葉。問人犯一件大罪。何以得天主

之赦。而免永苦。答應該誠心告解。纔得罪赦。或不得

解。必要發上等痛悔。并立定改願解之意。方得天主
之赦。

告解問答

問

告解之禮，是誰立的。答是吾主耶穌親立的。問立

此禮有何意思。答

為赦人領洗後所犯的罪，使人改

過有門，自新有路。問

告解包涵有幾件。答

包涵有五

件。一省察。二痛悔。三定改。四實告。五補贖。問何謂省

察。答

就是從領洗或告解以來，已逾年月，所思言行

缺。查十誡及罪宗七端，曾犯幾次的罪。問

何謂痛悔

答

上等痛悔專爲得罪天主。真心痛悔。今愛天主萬有之上。自後決不敢得罪於天主。下等痛悔是惱恨已罪。因怕下地獄失了天堂。或因罪惡之醜而悔之。

問

何謂定改。答就是實心棄絕犯罪諸端。定志遷改。

寧死再不敢復犯。問何謂實告。答就是實心吐告。自

已一一所犯罪過於鐸德面前。不敢絲毫隱藏。問何

謂補贖答是遵鐸德所命聖功爲所犯的罪一一該

行補贖問補贖總歸幾端答總歸三端一施捨二齋

戒三祈禱問告解不省察痛悔或不定改全告或不

願依鐸德所命而行罪得赦否答不得罪赦反加大

罪并該從新復告如不曾告解一般。

聖體問答

問 聖體大禮是誰定立的。
答 是吾主耶穌親立的。
問

聖體是甚麼體。
答 是吾主耶穌親體。在世三十三年。

受苦受難。被釘十字架死。第三日復活。第四十日升

天。
問 定此聖體有何意思。
答 有三個

意思。一、大顯他無限的愛情。二、作我們的神糧。三、爲

記得他的苦難。
問 聖體隱藏在那裡。
答 在麵餅形像

內。問 麪餅之形像謂何。答 就是色味香。及圓方大小

之狀。問 麪餅幾時成聖體。答 是鐸德念過吾主耶穌

親所定的經言。舉揚聖體聖爵時。耶穌實實在於祭
臺上了。問 麪餅能分。聖體亦能分否。答 聖體萬不能

分。麪餅雖分千百塊。每塊都是完全一樣聖體。問 人

有大罪。領得聖體否。答 先該痛悔告解。然後可領。問

要領聖體前，先該知備何事。領後如何恭敬。答自半

夜後，該禁口不得飲食，遠備謙潔仁三德，設備供獻

至與祭時，啟口恭領，輕輕吞下。領後，該虔恭默存，感

謝慚愧，祈求奉獻五端工夫，以盡誠敬。是日宜多祈

禱，不敢講閒話。問聖體在人心，中多久。答在人心，中

到麪餅形像消化，但其聖寵常存。若犯大罪，則失。問

聖爵之酒如何。答 鐸德念完經言。就變爲吾主聖血。

問 聖血并有聖體同在麼。答 有。卽是耶穌在此。如在

天上一般。

領聖體前經

卑污罪人。辱主降臨吾心。曷以當之。伏惟吾主。特降
一命。我心諸疾。必全愈矣。

吾主耶穌。基利斯督。我無功可領。爾聖體。但受爾一
言。赦我罪。醫我靈魂。清潔。使我得升天上國。亞孟。

祈望耶穌靈魂聖我。耶穌聖體救我。耶穌聖血淨我。
領聖體前宜省大背主心之三罪。

一曰。爾有留戀污穢之事。不痛絕之乎。

二曰。爾或存自滿之意。抗主抗人之念乎。

三日。爾或受人害。尙懷仇恨欲報之心。不赦其罪乎。

彌撒問答

問

彌撒何解。

答

祭獻天主大禮。

問

與天主祭獻甚麼

答

祭獻天主耶穌。

問

祭獻與天主是何意思。

答

爲恭

敬天主。謝天主的洪恩。

問

還有別樣的意思麼。

答

有。

是求天主保佑。而補贖吾人的罪。

問

做彌撒時。天主

耶穌在祭臺上麼。答神父念過天主所定的經言果

然就在祭臺上。問耶穌既在天堂。也在祭臺上麼。答

雖不離天堂。更要信在祭臺上。問與彌撒時。當行何

事。答要想耶穌受難之事。不可故意分心。問恭敬天

主該行何事。答認天主為萬物之主。感謝他的諸恩。

問還有何功可行否。答有是補贖吾人的罪。而求天

主所願諸恩問與彌撒者受甚麼妙益答無大罪的

人加聖寵減免罪罰赦小罪而賜人動心痛悔改惡
遷善

罪宗七端

係世人犯罪
之根宗也

一。驕傲

傲爲萬惡之根原。欲人尊我爲大。而我輕視人爲小。

二嫉妬。

見人德福權勢。彼非奪我有。乃生嫉妬而不願其有。

三貪吝。

貪欲他人之物歸己。欲己處有餘。吝不顧人之不足。厭施己物於人。

四忿怒。

矐目厲聲怒之過當
有不順意心怨無寧

五迷飲食

飲酒貪醉及令人醉
食飽過度而傷已身

六迷色

心眷戀邪情而不思拔除其根
狗從邪慾而頑蒙不知節戒

七懶惰

怠倦於爲善。專務求安逸。而心常放閒。總不思修德。

克罪七德

是醫理世人。克罪對症之良藥也。

一。謙遜。

謙爲諸德之母。萬事皆自居於卑下。以抑伏其驕傲之惡情。

二。仁愛。

仁者心無偏倚。見人福則喜。見人禍則憂。愛人如己。以退其嫉妬之情。

三。捨財。

見人疾病貧窮患難。則救濟之。而不惜己財。以壓其貪吝之情。

四。含忍。

平心受人害。不思復仇。福變爲禍。心安無怨。蓋以制其忿怒之情。

五。淡薄。

飲食以養生。皆有持節而不致過度。蓋以克其饕餮之迷情。

六。絕慾。

各守本分。務求心淨。以保潔德。謹棄色引。嚴加克制。蓋以抑伏其慾火之熾情。

七。慇勤。

樂於修德。不厭其難。恒務立功。不愛閒耍。蓋以克其懶惰之情。

悖反聖神之罪六端。

一絕望升天。

二妄擬升天。

三故駁真理。

四忌人神寵。

五固執於惡。

六怙終不悔。

籲天主降罰之罪四端

籲疾首

呼號也。

一故意殺人。

二拂性邪色。

內包四件，一與禽獸苟合。二男色。三不守媾合之正勢，竟作男色之行。四以手自作色。此等罪，是天主所最惡者。而禽獸雖無靈，尚不逆性而行。況乎人耶。

三凌壓笑獨。

凌壓是欺絕其人無人無物也。笑獨是鰥寡孤獨之人也。

四虧負傭價

傭者傭工之人也。價是其工

錢也。虧負者不與其值也。

右四罪因其不仁不義逆性傷理。又莫能爲掩飾。故謂之呵天主降罰。

聖神十二效驗

一愛德。

二神樂。

三安靜。

四忍耐。

五寬裕。

六美善。

七寬德。

八良善。

九高信德。

十善莊。

十一節克。

十二貞潔。

樞德四端。

乃始行萬德之基址。樞者。門扉樞也。修德有先後。樞德先立。他德後立。則不爲難。若倒置之。修德難於成。就矣。

一智德。

令人通明爲善
去惡之法也。

二義德。

令人得持念言行之
宜。及事理之當然。

三勇德。

令人剛毅攻勝三仇。
及堅志立功修德。

四節德。

令人清心寡慾。謹言慎行。不致肆犯。專心事主。

形哀矜七端。

救濟人肉
身之外事。

一食饑者。

以食之物件。
充人之飢餓。

二飲渴者。

以茶水解
人之煩渴。

三衣裸者。

見有無衣之人。
則以衣服贈之。

四顧病及囚圜者。

見人有病往看顧之。及
在監牢者。往照應之。

五舍旅者。

旅客無處歇宿。
則以屋邀留之。

六贖擄者。

有被強人捉往別處。
不惜已財。盡力贖之。

七葬死者。

憐恤人屍。捨
財以葬之。

神哀矜七端

救濟人靈
魂之內事。

一 以善勸人。

勸人爲善。規諫人過。
提醒人不陷於凶險。

一 啟誨愚蒙

有人蒙昧不明道
理者則啟迪之。

三 慰憂者

有人愁悶憂鬱者。則
以物以言寬解之。

四責有過失者。

見人犯罪不知險者
則以正道禁責之。

五赦侮我者。

有凌辱我者。我不
復仇。反赦宥之。

六恕人之弱行。

因人軟弱不能盡其職而逆我者。我不忿恨。且寬恕之。

七爲生死者祈天主。

生者求主賜之進教守誠。死者求主早賜升天。

真福八端

乃吾主耶穌

山中聖訓。

神貧者乃真福。爲其已得天上國也。

脫心於世物。不繫戀之者爲真
福人。蓋應其得天堂之永福也。

良善者乃真福。爲其將得安土也。

平心受人害。而不思復仇。反寬恕待人
者爲真福人。因後得無窮之安所也。

泣涕者真福。爲其將受慰也。

痛哭行善之阻。及犯罪之由者爲
真福人。因後得永遠之安慰也。

嗜義如饑渴者乃真福。爲其將得飽飫也。

義所當行之善。而悅樂行之。如飢渴之就飲食者。爲真福人。因後得無窮之美善。以充滿其願欲也。哀矜者。乃真福。爲其將蒙哀矜已也。

救濟人肉身之貧乏。憐恤人靈魂之凶險者。爲真福人。因後蒙天主永遠憐憫之也。

心淨者。乃真福。爲其將得見天主也。

滌已心垢。以除私欲。潔淨無瑕者。爲真福人。將得見上主之榮光也。

和睦者。乃真福。爲其將謂天主之子也。

心志平和。攻勝僻情。上和於主。下睦於人者。乃真福。可謂天主之義子也。

為義而被窘難者。乃真福。為其已得天上國也。

因守主命而受苦辱。甘心悅樂者。為真福人。蓋應其得無窮之天樂也。

聖神七恩

此恩。乃聖神寵錫於人者。引人奮拔罪污之中。以躋善聖之域。如登階梯然。

一上智

令人能昭事精誠。而諸凡大小功行。悉爲天主是向矣。

二明達。

令人能透徹信德之蹟。聖教的奧理。聖經內蘊的奧義。

三計策。

令人能攻破魔誘。分別所當行之善。所當戒之惡。

四剛毅。

令人能猛進而勇克己私恒
心爲善。不畏三仇之阻當。

五知識。

令人能辨皙天主之
旨。行事翁合主意。

六忻順。

令人能發熱愛主
之心。而遵守厥訓。

七敬畏。

令人能戒避罪愆。純心敬主。怕犯大小諸罪。畏懼天主之罰。

萬民四終

死候之來免不得。

吾人必有一死。天主已定。一遇惡死。悔之無益。願得善死。無能及也。然死之候。人皆不知。早學善死。痛過修德。時時預備。主臨擊扉。僕寤。卽啟。不致悔遲。

審判之嚴當不得。

審判之日。惡人畏羞。今時犯罪。如主不知。後見主面。驚畏何如。露已醜罪。羞恥何如。今預畏主。後免主怒。預羞作惡。後無可羞。

地獄之苦滅不得。

燈燭之火。暫燒一指。人不能當。猛烈之火。永燒身神。當之如何。可不慎哉。今心懷之後。免試之。今掛於心。後脫於身。

天堂之樂比不得。

天堂永福。萬筆難寫。世福比之。皆微皆僞。人求世福。乃以大勞。方得微樂。人仰天堂。不過暫若。可致永福。安可捨永而取暫哉。

靈魂三司。

記含。明悟。愛欲。

肉身五官。

耳。目。口。鼻。手足。

榮身四恩。

一明亮。

二絕苦。

三透過。

四快捷如神。

榮魂三恩。



一明見天主。

二得至美善永遠無缺。

三靈魂與天主相愛無窮。

聖燭用義十有二益。

保水陸險。救風火雷。速退誘惑。安健神形。

祛除心暗。加益神樂。提指義徑。增長善膽。

照引天路。穩活聖信。燃發聖愛。堅固聖望。

聖水十二效。

歛人心。潔人情。滌小過。驅魔鬼。

救產難。腴田園。療疾病。除瘟疫。

救賊讐。救猛獸。救風波。救火災。

聖匱效驗。

消微罪。制魔魅。免雷雹。靜風濤。滅火災。

保產難。護仇害。佑善功。防暴死。

赦小罪九款

一聽彌撒。二領聖體。三聽神父講道。

四領主教祝聖。五念天主經。六念解罪經。

七點聖水。八食聖用糧。九拊胸痛悔。

萬日畧勸諭三端

引人盡力真修。
精全事奉天主。

一絕財。

二絕色。

三絕意。

此三者非本性之
事。乃超性之事也。

聖學警言

天主造人之恩不可忘。

天主降生之恩不可忘。

天主受難之恩不可忘。

天主赦罪之恩不可忘。

罪之輕重



問曰。犯罪者卽獲重罪耶。抑亦有別耶。曰。有別。且亦易知。夫人本性之光。自爲善惡之權衡。合理則善。否

則惡合深善大。否則微違重惡重。違輕惡輕。假如竊人之物。態有二端。物一害一。視物之貴賤。害之大小。以定罪輕重物。貴害大。厥罪甚重。因物因害也。物貴害小。罪亦重。因物也。物賤害大。罪亦重。因害也。物賤而害小。則罪亦輕。他誠之罪。概亦如是。惟六九兩誠之罪。擬於他誠有異。蓋固覓污樂。雖微小亦重罪。

上等痛悔經

此經早晚可用。然臨終臨
難時更宜切用。以免永苦。

吾主耶穌基利斯督。造我養我。救我的主。我重罪人
得罪。拊心天主。今特爲愛天主萬物之上。專心痛悔。拊心

惱恨我罪。決意定改。寧死再不敢犯。拊心天主的命。懇

望吾主。念爾受難之功。可憐赦我的罪。亞孟。

聖教要理
三
默想畧

或問聖教有默想神功。願聞其義。曰。諸神功之中。惟默想之功。乃大有利益焉。古今聖賢常立訓勸衆曰。凡人一刻之間。默想吾主受難之恩。其功其益。較他人守期年嚴齋。行期年苦工。更大。若是則默想之工。不可不行。而默想之規。亦不可不明矣。謹陳其畧於

左

默想有總切二義。總義者。凡人不拘何處。不論何時。行住坐卧。起一善念。或想天主之恩德。或想聖教之道理。或想靈魂之事業。皆默想之總義也。若其切義。則有四端。一曰預備。二曰默想。三曰動情。四曰取益。明此四法。思過半矣。

預備者何。謂預備何時欲興默想之工也。凡欲默想。卽至天主臺前。叩首伏地。閉肉眼。啟神目。若親對天主尊顏。兢兢業業。先謝其仁慈洪恩。後自謙自抑。切思我大罪人。何敢與天主晤語。遂認一己之卑賤。讚揚天主之尊貴。且追念生平所犯諸罪。悔改祈宥。望天主增力加祐。逆驅雜念。純心以行默想之功。

默想者。乃明司敬謹懇切之作用。搜求有益之真理也。卽深思細繹聖教道理一端。如萬民四末之一。或想天主降生受難復活升天之事。或想世間苦樂之微暫。吉凶之虛假。或想天主愛人待人之恩。或想天主之威嚴。或想本身之卑賤。未生之前何如。生時何如。居世死候何如。或想靈魂罪過十誡七罪宗。無一

不犯。思念言行。無日不差。當爲之善。而弗爲。當戒之惡。而弗戒。自己所犯之罪。引人所犯之罪。難數其多寡。難定其輕重。諸如此類。皆默想之條也。譬如默想死候。想如將終。斷息之勢。臥床無力。上見天主之義。怒下見獄火之酷烈。左有魔鬼之嫉妬誘惑。右有親人之私愛難割。前有生平所犯各罪。後有天主永遠。

賞罰內而靈魂戰兢恐懼外而肉身劣弱疼痛世福
皆無用勢位皆無能惟功過無一可遺想及此可爲
痛哭可爲流涕可爲長嘆息。

默想審判想如親詣天主臺前目見威顏耳聽怒語
魔鬼告我天神責我欲隱瞞而不得欲躲避而不能
想及此能不恐懼者誰乎能不羞愧者誰乎能不悔

聖孝要理
五
惱者誰乎。

默想地獄想如親至猛火之深井。覺受諸般苦楚。自恨自悔。并怨天主罰我。怨魔鬼欺我。衆惡魂交相怨恨。愈加其苦。不幸至此。悔已晚矣。嗟無及矣。生死大事已畢矣。想及此。可不預爲之計乎。

默想天堂想如靈魂上升。過九重諸天。至廣大光明。

真福之所。目見無數神聖迎我慶我。且引我見聖母
見耶穌及天主榮光。幸而至此。則心願始滿。真福始
得其樂。亦至無窮。想及此。可不奮然進修乎。

動情者何人孰無情。事感於外。情發於內。自然之理
也。默想時。如靈魂親見所想之事。故不得不發相應
之情。如默想四末之狀。必發恐懼等情。不勝痛悔之

切且輕視世俗之禍福及肉身之苦樂惟以天國之
永福爲重靈魂之實德爲貴或感謝天主待我至此
不忍早罰下地獄或祈望天主賜我所預備之天福
如默想吾主受難之事切思受難者是誰受難爲何
必發哀憐嘆息之情或感戴讚頌吾主或怨恨責罰
自己或願救吾主於惡黨之手或願同吾主被惡黨

釘死。如此諸情。難以盡述。惟於默想時。不覺隨感而自發也。

取益者何。卽以所想之事。所動之情。自勉自奮。以效吾主。如默想耶穌情。甘爲我受諸苦難。不但不罰惡黨。尙祈聖父寬赦。則定志忍受世禍。世苦。以遵主命。以報主恩。而責罰已罪。不可不懷恨怨尤。夫至尊天

主。尙且自屈卑人之手。極哉其謙。則我何敢驕傲自
尊。輕侮同類之人乎。如此謙忍仁愛。遵命諸德。俱可
類推。

總而言之。默想之工。如明鏡焉。人專心照之。則真僞
永暫。美醜善惡。無不了然。如香囿焉。人恒遊其中。可
聞諸德之香。可味諸善之實。如妙藥焉。內脩療諸神。

病之良方。憂患者可以自慰。驕傲者可以謙遜。淫慾者可以貞節。忿怒者可以含忍。貪饕者可以淡薄。嫉妬者可以仁愛。怠惰者可以忻勤。按病擇方。因症服劑。其效可以自驗。此默想之切義也。凡欲求作聖之路。必以痛改守誠爲先。然守誠之方。非從默想不能進也。願有志修身者。奮力勵行。其利益豈淺鮮哉。

茲將教宗所頒之恩赦列左

天主降生後一千七百四十六年。本篤第十四位教宗傳諭普天下各處主教讚美默想神工。并囑衆牧教訓人默想。不但重准從前諸位教宗所賜之大赦。又親自施恩如下文。

一不拘何人教他人默想法子。或聽人教訓。每次得

七年大赦

一若常教訓人行默想每月得全大赦一次

此功能讓煉靈

一不拘何人每日做二刻工夫默想或至少一刻每

月得全大赦一次

此功能讓煉靈

爲得此等大赦該告解領聖體求爲聖教廣揚

異端消滅等



